


Deporte Local

Awe R.C.A. ta celebra 85 aniversario



ORANJESTAD (AAN)- Sport Vereniging Racing Club Aruba, funda 15 di Februari 1934, ta cumpli awe 85 aña di existencia. Cu casi 350 futbolista activo, incluyendo e artistanan di INTER, mas di 60 boluntarios, 32 titulo di A.V.B. 2 titulo LIPROF, Campeon Antillano, Campeon ABC, prome Campeon Pais Aruba 1986 y hopi otro logro, ta e organizacion deportivo mas grandi y exitoso den Caribe Hulandes. Na bida R.C.A. tin dos miembro di honor cu ta Sr. John Merryweather y Sr. Edwin Dirksz. Tambe Organizacion Tricolor ta masha orguyoso di su team "Ban Topa" cu ta e grandinan cu 3 ves pa siman ta na club pa hunga domino. Sin lubida e legendarionan di

In-Ro cu tur diaranzon ta na club pa recrea cu loop voetbal y futbol di sala. Pa locual ta e decada aki R.C.A. a logra yega 7 final Division Honor entre 2011 y 2018 bon pa 4 titulo maximo. Directiva ta forma pa Presidente Ditto Acosta, Tesorera/Secretaria Yazmira Tromp, otro miembronan di directiva cu ta masha activo ta Eric Gomez, Harold Pereira, Milly Henriquez, Junior Tromp, Enrique Aaron, Patrick van der Biezen y Albert Fowler. R.C.A. ta dedica su 85 aña na tur su boluntarionan. Esnan cu tey awe pero tambe na esnan cu a bay nos dilanti. Awe 7or di anochi tin un misa na Cathedral San Fransisco pa gradici pa e di 85 aña di R.C.A.